



## SARAJEVSKA FILHARMONIJA

OSNOVANA 1923

Na osnovu čl. 27. i 29. Zakona o ustanovama („Službeni glasnik Bosne i Hercegovine“, br. 6/92, 8/93 i 13/94), čl. 7. stav (1) i 8. st. (1) i (2) Zakona o ministarstvima, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/3, 34/3 i 65/13), člana 23. stav (1) Zakona o pozorišnoj djelatnosti („Službene novine Kantona Sarajevo“, br. 42/13 i 6/16), čl. 16. stav (2), 19. stav (2) i 42. - 44. Pravila Javne ustanove Sarajevska filharmonija (br. 195/02/UO/18 od 26.02.2018. i 94/02/UO/23 od 06.02.2023.), člana 35. Pravilnika o unutrašnjoj organizaciji i sistematizaciji radnih mjesta JU Sarajevska filharmonija (br. 122/05/UO/23 od 17.05.2023.) i Odluke Upravnog odbora o raspisivanju javnog konkursa za izbor i imenovanje direktora (br. 1-775-4/2025 od 02.09.2025.) Upravni odbor JU Sarajevska filharmonija na sjednici održanoj dana 02.09.2025. godine objavljuje:

### **Javni konkurs za izbor i imenovanje direktora Javne ustanove Sarajevska filharmonija**

**I. Naziv, sjedište i internet adresa ustanove:** Javna ustanova Sarajevska filharmonija, Obala Kulina bana 9, 71000 Sarajevo, BiH, telefon: [+387 33 666 519](tel:+38733666519), e-mail: [alisa@saph.ba](mailto:alisa@saph.ba), web: [www.saph.ba](http://www.saph.ba).

### **II. Opći uslovi za imenovanje:**

- a) da je stariji od 18 godina;
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
- c) da se na njega ne odnosi član IX 1. Ustava Bosne i Hercegovine;
- d) da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti Bosne i Hercegovine;
- e) da nije osuđivan za krivično djelo ili prekršaj nespojiv sa dužnošću Direktora;
- f) da nije na funkciji u političkoj stranci u smislu odredbe člana 5. Zakona o ministarstvima, vladinim i drugim imenovanjima Federacije Bosne i Hercegovine;
- g) da nema angažman u privatnom preduzeću u uvjetima u kojima se stvara sukob interesa nespojiv sa javnim funkcijama izabranog dužnosnika, nositelja izvršne funkcije ili savjetnika;
- h) da je zdravstveno sposoban za obavljanje dužnosti Direktora.

### **III Posebni uslovi za imenovanje:**

- a. visoka stručna sprema - VII stepen odnosno visoko obrazovanje drugog ili trećeg ciklusa Bolonjskog sistema studiranja - Muzička akademija
- b. najmanje 7 (sedam) godina radnog staža nakon sticanja fakultetske diplome
- c. da posjeduje organizacione sposobnosti
- d. predložen program rada za mandatni period

Kandidat za direktora dužan je, uz svojeručno potpisanu prijavu na konkurs, dostaviti dokaze o ispunjavanju općih i posebnih uslova, kao i program rada za mandatni period.



## SARAJEVSKA FILHARMONIJA

OSNOVANA 1923

### IV Opis poslova i radnih zadataka direktora:

- a) organizuje i rukovodi radom Filharmonije,
- b) zastupa i predstavlja Filharmoniju prema trećim licima,
- c) odgovoran je za zakonitost rada Filharmonije,
- d) predlaže Upravnom odboru mjere za efikasno i zakonito obavljanje djelatnosti radi koje je Filharmonija osnovana,
- e) predlaže Upravnom odboru unutrašnju organizaciju i sistematizaciju poslova i osnove planova rada i razvoja Filharmonije,
- f) izvršava odluke Upravnog odbora,
- g) odlučuje o pravima, obavezama i odgovornostima radnika iz radnog odnosa (stara da se svi radnici Filharmonije što ravnomjernije angažuju u realizaciji godišnjeg filharmonijskog repertoara),
- h) odlučuje o korištenju sredstava u iznosu do 5000,00 KM (slovima: pethiljada),
- i) podnosi Upravnom odboru Filharmonije izvještaj o finansijskom poslovanju,
- j) naredbodavac je za izvršenje finansijskog plana,
- k) odgovoran je Upravnom odboru za rezultate rada i finansijskog poslovanja,
- l) vrši i druge poslove i ima i druge dužnosti i prava utvrđena opštim aktima Filharmonije, u skladu sa zakonom i pravilima.

### V Period na koji se imenuje:

Mandatni period od četiri godine.

### VI Mjesto obavljanja rada:

Javna ustanova Sarajevska filharmonija, Obala Kulina bana 9, 71000 Sarajevo, BiH

### VII Rok u kojem se podnose prijave:

15 dana od dana objavljivanja u Službenim novinama Federacije Bosne i Hercegovine. Konkurs će biti objavljen u Službenim novinama Federacije Bosne i Hercegovine, dnevnim novinama „Oslobođenje“, web stranici Sarajevske filharmonije ([www.saph.ba](http://www.saph.ba)) i web stranici Ministarstva kulture i sporta Kantona Sarajevo

**VIII Telefon kontakt osobe zadužene za davanje dodatnih objašnjenja:** Alisa Salahović, telefon +387 33 666 519, e-mail: [alisa@saph.ba](mailto:alisa@saph.ba)

**IX Adresa na koju se podnose prijave:** Prijave sa dokazima o ispunjavanju uslova iz konkursa slati preporučeno na adresu J.U. Sarajevska filharmonija, Obala Kulina bana br. 9, 71 000 Sarajevo, sa naznakom "PRIJAVA NA JAVNI KONKURS – NE OTVARAJ"

### X Dokumentacija koja se podnosi uz prijavu

Uz svojeručno potpisanu prijavu na javni konkurs sa kontakt podacima, kandidati su dužni dostaviti sljedeću dokumentaciju:

1. Biografiju
2. Diplomu o traženoj stručnoj spremi ili akademskom zvanju;
3. Izvod iz matične knjige rođenih;
4. Uvjerenje o državljanstvu ne starije od 6 mjeseci
5. Uvjerenje o ostvarenom radnom stažu sa šifrom zanimanja koje izdaje Fond za penzijsko - invalidsko osiguranje ili potvrdu o ostvarenom radnom stažu kod poslodavca



## SARAJEVSKA FILHARMONIJA

OSNOVANA 1923

- kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat ostvario;
6. Izjavu ovjerenu kod nadležnog organa da kandidat:
- a) nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
  - b) da se na kandidata ne odnosi član IX 1. Ustava Bosne i Hercegovine;
  - c) nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti BiH;
  - d) nije osuđivan za krivično djelo i za prekršaj nespojiv sa obavljanjem dužnosti direktora;
  - e) nije na funkciji u političkoj stranci u smislu odredbe člana 5. Zakona o ministarstvima, vladinim i drugim imenovanjima Federacije Bosne i Hercegovine;
  - f) nema angažman u privatnom preduzeću u uvjetima u kojima se stvara sukob interesa nespojiv sa javnim funkcijama izabranog dužnosnika, nositelja izvršne funkcije ili savjetnika;
7. Program rada za mandatni period.

**XI** Po konačnosti odluke o imenovanju, izabrani kandidat je dužan dostaviti uvjerenje o zdravstvenoj sposobnosti, a ostali kandidati svoje dokumente mogu preuzeti lično u prostorijama J.U. Sarajevska filharmonija.

Sve dokumente je potrebno priložiti u originalu ili ovjerenoj kopiji.

**XII Način predaje dokumentacije:** Prijava sa obaveznom dokumentacijom dostavlja se putem pošte preporučeno na gore navedenu adresu ustanove u zatvorenoj koverti sa naznakom "Prijava na javni konkurs za izbor i imenovanje direktora - ne otvaraj".

**Napomena:** nepotpune i neblagovremene prijave neće se uzimati u razmatranje.

v.d. predsjednik Upravnog odbora

red. prof. mr. Ališer Sijarić

SARAJEVSKA FILHARMONIJA

Broj: 1-775-6/2025

Sarajevo, 02.09.2025.